


# Kanabis nan Vil New York:

Li legal pou adilt yo konsome kanabis (mariwana) nan Eta New York.



Adilt ki gen 21 lane ak plis ka genyen epi pataje (men yo pa kapab vann) jiska 3 ons flè kanabis oswa boujon kanabis, epi yo kapab genyen jiska 24 gram kanabis konsantre tankou lwil oswa sigarèt elektwonik.



Nou agrandi pwogram pou kanabis medikal la nan New York. Pou w jwenn enfòmasyon sou chanjman sa yo, ale sou **cannabis.ny.gov/medical-cannabis**.




Adilt ki gen 21 lane ak plis ka fimen kanabis oswa sigarèt elektwonik ki gen kanabis nan pifò espas kote yo otorize moun fimen tabak.



Yo pèmèt lavant kanabi sèlman nan dispansè ki gen lisans nan Eta New York. Pou kapab jwenn enfòmasyon ki ajou sou fason legal pou achte kanabis, tankou kote dispansè yo ye, vizite **cannabis.ny.gov/adult-use**.

Pou jwenn plis enfòmasyon, ale sou **nyc.gov/health/cannabis**.

# Konsomasyon Kanabis ki San Danje



Si ou ap konsome kanabis, evite itilize kanabis la twò rapid — kòmanse avèk yon ti kantite epi ale dousman.

Ou ap jwenn diferan nivo THC nan diferan kalite kanabis, THC a se sibstans sikoaktif ki fè ou santi ou ap plane a. Li kapab fè efè yo vin pi fò oswa parèt pi rapid, oswa toulède.

Gen kèk kalite kanabis ki kapab pran tan pou yo fè yon efè. Pa egzanp, li kapab pran jiska kat (4) èdtan pou santi tout efè dwòg ou kapab manje (manje ki gen kanabis ki ajoute ladan l).



Evite melanje kanabis la avèk lòt dwòg, sa gen ladan alkòl.



Evite itilize kanabis anvan ou ale kondui oswa pandan ou ap kondui.

Li danjere epi li pa legal pou ap kondui pandan ou anba enfluyans kanabis. Epitou, li pa legal pou konsome kanabis anndan yon machin, menm si se lè machin nan kanpe oswa kòm yon pasaje.



Ranje kanabis la ak pwodui ki gen kanabis yo yon kote ki pa sou je timoun ak jèn yo.

Si gen yon timoun ki manje oswa bwè pwodui ki gen kanabis, rele Sant Kontwòl Pwazon Vil New York (NYC Poison Control Center) nan 212-764-7667, li disponib 24 sou 24 ak 7 jou sou 7.



Si ou gen mwens pase vennsenk (25) lane, ou dwe konnen kanabis ogmante risk pou sante w.

Kanabis la kapab gen gwo efè sou jèn moun ki gen sèvo yo ki toujou ap devlope. Efè negatif yo kapab gen ladan l difikilte pou reflechi, difikilte pou aprann, ak difikilte pou rezoud pwoblèm; yon move memwa oswa pwoblèm pou konsantre; epi li diminye nan kowòdinasyon.